



Universitätsbibliothek Paderborn

**Io. Francisci Leonis Eporediensis I. V. D. Episcopi
Thelesini Thesaurus Fori Ecclesiastici**

Leoni, Giovanni Francesco

Coloniae Agrippinae, 1682

8 Purgatorij poena major est omni poena, quam unquam aliquis patiatur in
praesenti vita.

urn:nbn:de:hbz:466:1-10316

absolutionis virtute illa pœna æterna peccato debita, quæ per contritionem commutata erat in temporalem, aliqua ex parte tollitur, ideo, si decederet sine confessio, & non tamen contempta, sed præventa gravius, & diutius puniretur in purgatorio, cuius pœna est ignis, qui, etiæ æternus non sit, † miro tamen modo gravis est, quoniam excellit omnem pœnam, quam unquam aliquis passus sit in hac vita, & nunquam in carne tanta inventa est pœna, licet mirabilia martyres passi sint tormenta, & multi nequiter immensa sustinuerint supplicia, Aug. in lib. de pœnit. relatus in cap. nullus, de pœnit. dist. 7. Graff. cod. c. 15. nu. 48. &c Bellarm. in 6. controv. gener. lib. 2. c. p. 14 de purgat.

Pœna, quæ debetur, † est duplex, id est pœna damni, quæ est carentia visionis Dei ex parte aversionis, & hæc est æterna, ut qui contra æternum bonum peccavit, in æternum puniatur, & pœna sensus ex parte conversionis ad creaturam, quæ cum non sit infinita ex genere suo, non est æterna, quo sit, ut si hujusmodi conversio non esset aversio à Deo, non deberetur ei pœna infinita, ideo peccatis venialibus non debetur, nisi temporalis; & hinc colligitur, quod, cum per contritionem, & per satisfactionem homo convertatur ad Deum, recuperet amicitiam Dei, ac etiam tollatur æterna pœna damni, cap. dixi, & cap. magna, de pœnit. d. 1. remanet tamen pœna sensus in hoc saeculo persolvenda, vel per pœnas sponte à nobis confessas pro vindicando peccato susceptras, vel fæderoris arbitrio pro mensura delicti impositas, vel etiam per temporalia flagella à Deo inflicta, & à nobis patienter tolerata, Conc. Trid. sif. 14, c. 9 cap. sunt plu-

res, de pœn. d. 3, & Graff. cod. c. 7, n. 1, 2, & 3, par. 1, lib. 1. Quod, si ea pœna in hac vita non luatur, luenda erit in purgatorio, hæc autem est pœna, quæ per indulgentias tollitur. Verum, quia aliqui indulgentiam plenariam dividunt † in plenam, siue plenariam, pleniorem, & plenissimam.

Quæritur, an te vera inter se differant. Aliqui autem putant esse differentiam realem inter has tres species super enumeratas, ut Palud. in 4. dist. 20, q. 4. Adr. pariter in 4. q. de Indulgenc. colum. 12. & Navar. d: not. 9, num. 4, & not. 22, num. 50, & 51. sed melior videtur eorum sententia, qui nullam inter plenariam, pleniorem, & plenissimam constituant differentiam, quam tenet Sot. in 4. d. 21, q. 2, art. 1. Michael Med. & Cordub. q. 11. de Indulgenc. & cæteri omnes recentiores: gradationem autem illam toolummodo adhiberi ad exaggerandam, seu potius explicandam indulgentias plenitudinem, qua nihil amplius desiderari possit, ut bene advertis Graff. d. cap. 15. nu. 45. Quando autem Papa plenariam omnium peccatorum indulgentiam cōcedit, perinde est, ac si vocabulo, plenissimæ uretur, ut manifestissime exemplo ostendi potest, amphoīæ enim aquæ plene nō manus datur vacuū, quam plenisimæ tribuantur. Nec differt † plenaria indulgentia ab ea, quæ cōceditur in anno sancto, vel aliis temporibus vigore Jubilæi, sed in Jubilæo, præter plenam remissionem pœnæ, multa solent concedi privilegia, quæ per indulgentias communiter non conceduntur, ut facultas eligendi confessariū, potestas absolvendi à casibus reservatis, & commutandi vota, ut per Sot. d. q. 2, art. 1. dist. 21. & tenet etiam Graff. ead: decis. 15, num. 29,

